

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones Benedicti XIV. ab initio Pontificatus usque ad  
Annum 1746

**Luxemburgi, 1752**

XCIX. Declarantur quæstiones circa jejunii leges a Summo Pontifice  
instauratas propositæ. 8. Julii.

---

[urn:nbn:de:hbz:466:1-74696](#)

ANNO  
1744.

Eidem com-  
mittitur unio  
Monasteriorum ad pau-  
pertatem re-  
dact., cum  
consilio &c.

Provincia  
Poloniae  
obedientiam  
præficit Pro-  
to-Archi-  
man. sub  
conditione.

Pontifex id  
improbat, &  
absolutam  
obedientiam  
imperat,  
communitatis  
canonicis  
ponens &c.

ut nulli melius, quam ipsi, demandari posse  
judicemus gravioris momenti negocium, quod  
hic subiungimus. Plura nempe Monasteria in  
Provincia Poloniae esse novimus ad eam pauper-  
tatem redacta, ut vix duos, aut tres Monachos  
alere possint: In hujusmodi rerum statu, Cano-  
nicæ Leges præcipiunt, plurium Monasteriorum  
Unionem faciendam esse, donec in singulis  
Monasteriis decem, vel saltet octo Monachi  
commodè congregari valeant. Ad multa igitur  
laudabiliter hucusque peracta hoc etiam addat  
Metropolitanus, (cui Nos idipsum demanda-  
mus, omnesque facultates ad hoc necessarias,  
& opportunas impertinunt) ut simul cum Proto-  
Archimandrita, & Consulitoribus Generalibus,  
necnon Provinciali Poloniae, ejusdemque Pro-  
vincie Consulitorio, ad hujusmodi tenuiorum  
Monasteriorum unionem peragendam incumbat.  
Quod sanè proficuum opus ipsius cura, ut con-  
fidimus, recte perficiendum, ubi relatio defe-  
retur, auctoritate Nostra comprobare, & con-  
firmare non dubitabimus.

§. 30. Electionem quidem Proto-Archimandrita in supramemorato Capitulo jam sequen-  
tam, ab utraque Provincia acceptata fuisse  
non sine volupate cognovimus. Verumtamen  
aliam fuisse vidimus formam, quam Monachi Pro-  
vinciae Lithuaniae ipsam acceptarunt, ab ea, qua-  
uis sunt Monachi Provinciae Poloniae. Siquidem  
illi absolutam obedientiam, & subjectionem  
Proto-Archimandrita jurarunt; hi verò hujus-  
modi conditionem apposuerunt: *Si dictus Eleitus  
cum expositis ad approbadum Sancta Sedi Aposto-  
licae Constitutionibus approbabitur, neque munus  
suum exercet in Provincia Polona, non promul-  
gata a Sancta Sede Apostolica approbatione.*

§. 31. Et sanè Apostolicae Sedis dignitati  
convenientius, fortasse a Nobis describi potuissi-  
set, suspendendo approbationem Capituli, &  
promptam ante omnia exigendo Provincia Poloniae  
obedientiam, eique omnino similem,  
quam Provincia Lithuaniae electo Proto-Archi-  
mandrite præsiterat. Verum quum illud Nobis  
minime suadere possimus, cunctationem hujus-  
modi originem ducere ex defectu debitæ obser-  
vantia erga Sanctam hanc Sedem; in qua col-  
lenda, & observanda insignes semper se præ-  
buerunt Polonæ Nationis Alumni; libenti animo  
adducti sumus, ut intentionem saltæ eorum,  
qui ita se gesserant, excusatione dignam Nobis  
reputaremus: Omniq[ue] morositate se-  
posita, totius rei disquisitionem aggressi sumus;  
Congregationes convocabimus, easdemque cor-  
am Nobis haberi volumus; minime obstantibus  
reliquis negotiis, & perturbationibus, quibus plus æquo undique obruimur, animum ad  
scribendum appulimus, omnesque Vobis in hac  
Epistola Resolutiones exposuimus, quas, cum  
prædictæ Congregationis consilio, maximè op-  
portunas, & necessarias esse judicavimus. Ex  
quarum resolutionum tenore quum omnes ter-  
tiverandi causa sublata sint, minimè dubitamus,  
quoniam Provincia Poloniae id ipsum sequatur, quod  
jam Lithuaniae Provincia peregit. Quod si eadem  
in suscepit obediendi repugnantia perse-  
veraret, non sine magno profecto animi Nostrri  
dolore ad ea Nobis deveniendum esset acriora  
juris remedia, quæ ab Ecclesiasticis quidem Legi-  
bus contra inobedientes districte constituta  
sunt, sed quæ nunquam a Nobis adhibenda esse  
speramus contra Religiosos Viros adeo confi-  
cui Ordinis sectatores, aut contra Nationem,  
quam tanto pietatis studio diligimus, ob præ-  
clara ipsius erga Apostolicam Sedem promerita,  
quorum, ut recentiora omittamus exempla,  
jam usque a temporibus Prædecessorum  
Nostrorum Clementis III., Innocentii IV., &  
Gregorii XI. eximia & nunquam interitura mo-  
numenta extiterunt.

§. 32. Congregationis de Propaganda Fide  
Prefectus est Venerabilis Frater Noster Vincen-  
tius Sanctæ Romanae Ecclesiae Cardinalis Petrus  
Episcopus Prænestinus, cuius adeo illustre no-  
men ubique est, ob multa & proficia Opera ab  
ipso confcripta, & publicis Typis vulgata. Ho-  
rum verò negotiorum Relator apud ipsam Con-  
gregationem est Venerabilis iridem Frater No-  
ster Petrus Aloysius Sanctæ Romanae Ecclesiae  
Cardinalis Carafa Episcopus Albanensis, qui  
summa diligentia, ac sedulo studio atque labo-  
re, eorum seriem tam scriptæ, quam voce di-  
gescit, atque explanavit. Hæc Vobis comperta  
est volumus, ut intelligeretis, quam bene re-  
bus Vestris consultum sit, per hujusmodi lauda-  
bilium Fratrum Nostrorum industriam, atque  
peritiam; quorum profecto operam in iis, que  
agenda remanent, neque defeturam, neque  
cessaturam esse, Vobis afferere non dubitamus;  
ut quum pro reliquis pendentium adhuc rerum  
definitionibus opportuna a Vobis documenta  
pro animi Nostræ instructione transmissa fuerint,  
iidem statim Nobiscum agere prætermisfuri non  
sint, ut tanti ponderis operi suprema demum  
manus imponatur. Nos interim Vobis, quos  
Paternæ dilectionis affectu complectimur, Apo-  
stolicam Benedictionem impertimur.

Datum Roma apud Sanctam Mariam Majorem  
die 2. Maii MDCCXLIV. Pontificatus Nostræ  
Anno IV.

ANNO  
1744.  
Cardinales,  
Congregat.  
Prefectum,  
& Causæ Re-  
latorem,  
commendat.

Ac ulterio-  
res provi-  
dencias pro-  
mittit.

Dat. die 2.  
Maii 1744.

## XCIX.

Declarantur Questiones circa jejunii leges a  
Summo Pontifice restauratas, præpositæ.

Venerabili Fratri Archiepiscopo Compostelle.

## BENEDICTUS PAPA XIV.

Venerabilis Frater, salutem, & Apostolicam  
Benedictionem.

Exordium.

S I Fraternitas Tua secum reputabit quot gra-  
vissimis & maximis curis proptermodum ob-  
ruamur, quantumque, hoc præsertim difficilissi-  
mo tempore, profrus Nos teneat impoſita te-  
nuitati nostræ sollicitudo omnium Ecclesiærum,  
non sanè mirabitur tamdiu sibi procrastinatum  
fuisse responsum ad eas Literas, quibus Apo-  
stolica auctoritate dissolvendas rogasti obortas  
in Hispania disputationes aliquas, è duabus no-  
stris Epistolis ad omnes Episcopos superioris  
Anni MDCCXL. xxx. Maii, & xxii. Augusti,  
quibus intra legitimos fines coercimus inva-  
lescentem Ecclesiastici jejunii relaxationem. Po-  
tius tibi in mentem venier cogitare de singu-  
lari nostro in religiosissimam Hispanam Eccle-  
siæ amore, unde Nos immensa licet rerum  
mole fatigatos ad expediendum sibi in omni sua  
perplexitate salutis iter opem nostram præsto  
habet,

§. 1. Quamquam igitur, dum prænuntiatas  
Constitutiones edidimus, non aliud propositum  
Nobis fuerit, ac refranare paucorum nimis in-  
genio fidentium Theologorum licentiam, qui  
opinionum novitate gaudent; nec otium, nec  
animus Nobis fuerit definire quicquid subtili  
indagatione deduci possit ex proposita a Nobis  
jejunandi regula; tamen eximiā paterna caritate  
complectimur adeo observantissimos Romanæ  
Sedis Hispanos, tantique facimus obsecratio-  
nes tuas, ut occurrere anxietati vestre libenter  
adjecerimus animum, & Nos ipsi questiones  
abs te propositas dirimendas constituerimus.  
Sic autem se habent.

I. Utrum, quæ in antedictis nostris literis in  
forma Brevis de unica cœlestione, & de epulis non  
permisendis, præscribantur, sub gravi etiam pre-  
cepto prohibeantur?

Pontifex  
non discep-  
tantium que-  
stionibus, sed  
disciplinæ re-  
laxationi ob-  
viam ire in-  
tendit.

Propositis  
tamen Du-  
bis, ut in-  
fra, rescri-  
bit.

Respon-

Respondemus: Concedentes facultatem vescendi carnis tempore vescito, sub gravi teneri eadem facultates non aliter dare, quam geminis hisce adiectis conditionibus, videlicet unica in diem comedionis, & non permisendarum epularum. Eos vero, qui hujusmodi facultatibus utuntur, sub gravi ad binas ipsas conditions implendas obligari.

II. *An ii, quibus concessam est vesci carnis, possint in vespertina refectiuncula, ea quantitate carnis vesci, que jejunantibus permititur?*

Respondemus, non licere; sed opus habere eo cibo, eaque uti potionem, quibus utuntur homines jejunantes recte meticulose conscientia.

III. *An qui jejunii tempore vesci carnis permittuntur, & unica commissatione uti debent, horam jejunantibus prescriptam servare opus habeant?*

Edicimus, observandam iis esse.

IV. *Quoniam sint epulae licita, quae vetantur cum interdictis conjungi?*

Respondemus: Epulas licitas pro iis, quibus permisum est carnes comedere, esse carnes ipsas. Epulas interdictas esse pisces, adeoque utrumque simul adhiberi non posse. Piscibus tamen edendis non interdicuntur ii, quibus datur tantum facultas adhibendi ova, & lacticinia.

V. *An praecipuum de utroque epularum genere non miscendo dies quoque Dominicos Quadragesimales complectatur?*

Affirmatur complecti.

VI. *Utrum hac lex ad eos quoque pertineat, qui ex Bulla Cruciae edere possunt ova, & lacticinia?*

Recribimus: Nihil in prænuntiatis nostris Apostolicis literis statutum esse, quod respiciat gratiosum Cruciae Diploma. Quare, qui eo gaudent, illius tenorem strictè, & considerate perpendant, ex ejusque sententia se gerant. Caveant autem, ne inani quapiam excusatione falso solutos esse arbitrentur præscriptis ibi legibus.

VII. *Utrum memorata duo præcepta urgeant extra Quadragesimam?*

Reponetur: urgere extra Quadragesimam utrumque præceptum; illud scilicet unica comedionis, cum reliquis legibus in secundo, & tertio ad hæc postulata responso expressis; & alterum non permisendi epulas licitas cum interdictis, ut in quarto postulato definitum est.

§. 2. Habet Venerabilis Frater, penitus explicatum quicquid apud vos ex nostris sibi nuncupatis Apostolicis literis dubitationem attulisse scribis. Qua quidem in re laudavimus confitum tuum interroganda supremæ Romanæ Sedis, ut libero, & non vacillanti gressu ad oves sana doctrina imbuendas incedere Pastores queant, in istoque tuo suscepito confilio agnivimus Hispaniam religionem, nihil sibi turum, nisi è Divi Petri Cathedra acceptum, reputantem; qua splendidissima gloria tantum nomen, & incorrupta Fidei fructum Hispania sibi peperit.

§. 3. Cavendum autem vobis est (idque plurimum ad te pertinet, qui illustris Archiepiscopi, & Inquisitoris geris præcipuum munus) ne in expendendis Apostolicæ Sedis Constitutionibus, pro nimia exhausti argumenti soliditudine, nullus fiat differendi ambigendique modus. Sedula deinde opera conferenda, ut istiusmodi dubia, qua facile, pro ingeniorum varietate, disputando emergunt, penitus inter vos dirimantur, ne diuina unquam disceptatione fluctuant animi; præsertim cum Constitutiones ipsæ Apostolicæ scopus, quò tendunt, aperte demonstrent, & illuc promptè dirigunt potest quicquid dubitando interturbare videatur. Id si animadvertisse, qui de presenti negocio plura dubitarunt, nodum sibi exsolvent. Patet enim nihil aliud Nobis in animo fuisse, quam cohibere vivida nonnullorum Theologorum ingenia, qui nimium sacri jeju-

nii fines prætergressi, & non parum oblii illud ad retinendum in officio corpus divinitus institutum, hosti huic spiritus infensissimo blandiebantur. Statim siquidem compreherent, quid in propositis questionibus constituendum esset; nec tibi molestiam exhibuissent, nec Nobis, quos gravissima undique circumstant cura, non parum temporis occuparent: quod tamen pro singulari nostro in vestram gentem studio, atque amore, libenter impendimus ad rectum vobis iter monstrandum, in posterum simul præcaventes, quomodo in hujusmodi questionibus firmare gressus vestros in promptu fit.

§. 4. Reliquum est, Venerabilis Frater, ut tibi, quod facimus ex animo, præcipue benevolentia nostræ pignus, Apostolicam Benedictiōnem peramanter impertiamur.

Datum Romæ apud Sanctam Mariam Majorem sub Annulo Piscatoris die 8. Julii MDCCXLIV. Pontificatus Nostri Anno Quarto.

J. Vincentius Lucchesinus.

Dat. die 8.  
Julii 1744.

Observatiōnē  
Sedi Apost. exhibitam commendat.

Certam normam demōstrat ad concordā opīnandi licētiām.

De Indultis Apostolicis eligendi Confessarium ab Ordinario approbatum, pro absolutione a criminibus, aut censuris reservatis, &c.

### BENEDICTUS EPISCOPUS,

Servus Servorum Dei. Ad perpetuam rei memoriam.

A POSTOLICA Indulta, quamvis prudenti Romanorum Pontificum dispensatione concessa, ad Christiani Populi profectum, & promovendam animarum salutem plurimum conferre non dubitemus: si tamen eorum interpretatione ingeniorum liberius opinantium licentia permittatur; unde in sensu a mente, & voluntate concedentium alienos detorquentur; eadem in Ecclesiastica Disciplina detrimentum, & ipsorum Fidelium periculum atque perniciem, perverso hominum abuso, traduci posse veremur. Quapropter, pro ea, quam Dei nutu suscepimus, sanctissimarum Ecclesiarum Legum custodia, & flagranti, quo tenemur, studio, de universo Christi grege ad æternæ beatitudinis metam securius dirigendo, non solum recte constitutas a Patribus agendi regulas in dies magis magnaque constabili satagimus; nullam prætermittentes occasionem intemerata disciplina observantiam Catholicis omnibus præscribendi & commendandi; verum etiam Indulctorum ab hac eadem Apostolica Sede benignè concessorum certos indicare limites, & tutam ipsorum formam usumque præfiri, juxta nostram & Prædecessorum nostrorum, quorum auctoritate prodierunt, mentem & voluntatem, opportunum in Domino iudicamus.

§. 1. Sanè hanc providentiam, si quod aliud Indulatum, illud in primis postulare videtur, quod Sedes Apostolica, vel cunctis Christifidelibus, per universalis Jubilæi Literas, vel non nullarum Regionum Incolis, per Bullam, ut appellant Cruciatæ, vel certis Universitatibus, aut Sodalium seu Confratrum cœtibus, per specialia privilegia, elargiri quandoque consuevit facultatem eligendi sibi unum quapiam Confessarium ex approbatis ab Ordinario ad Confessionem audiendas, qui eos a culpis, criminibus, & censuris, aliquoquin reservatis, absolve vere valeat: Etenim eo periculosius in usu Indulctorum hujus generis erratur, quo gravius in iisdem agitur negotium, Sacramenti nimurum Penitentia, lapidis post Baptismum ad salutem prorsus necessarii, valida ac legitima administratio, ejusdemque respectivè suscepit.

§. 2. Et quidem fel. record. Prædecessor Noster Innocentius Papa XII. ex delatis ad se nonnullis

Proximum, Pontificis cura in præcavendo abusivo Indulctorum Apostolicorum.

Præfitem  
quoad facili  
tatem eigen  
di Confessaria.

Innocentius  
XII. damnat  
fallas opī

lorum